

OMUKWE TU



40c

No. 14

ISBN 0-620-06828-0

IIKANDJONGELEKI MU ELCIN, YA PEWA EFANEKO EPE LYONGAMBA

ONGWEDIVA, Owambo: Oonkundathana kombinga yetendo lyongamba yiikandjongeleki mOngeleki onkwaEvangeli paLuther muNamibia, odha tsikile mOshigongingeleki shOngeleki ndjoka 11-16.7.1988 mOngwediva. Omusita Natanael Sirongo oye kwa li a hogololwa omunashipundi gwoshigongi.

Eindilo lyongamba yi kundathanwe moshigongingeleki shoka, olya zile koshigongi shaakalipo ya za miitayingeleki ine ya ELCIN, sha li mOngwediva 13-15.8.1987 mewiliko lyomumbisofi Kleopas Dumeni. Moshigongi shoka, oshitayingeleki shUukwanyama, oshe etele eyeme lyasho omolwongamba ndjoka ya adhikwa ya ziminathanwa moshigongingeleki oshiti-13 sha li natango mOngwediva 2-4.7.1986.

Epulo Ongeleki ndjika yi monenwe aambisofi ye vule gumwe, olya kala po ethimbo ele mawilikingeleki, nompito ndjoka oye egululilwa mEkotampango 1984, uuna Ekotampango epe lya ziminwa kOshigongingeleki. Pakotampango ndyoka, Ongeleki otayi vulu ihe okutendwa miikandjo yopaumbisofi.

Oshigongingeleki shopaulumompumbwe 1987 mOngwediva, osha tokola ihe Ongeleki yi te-

ndwe miikandjo iyali nongamba pokati kiikandjo mbyoka iyali oyo ya tamanekwa koshitayingeleki shUukwanyama, kutya inayi guma unene iitayi iikwawo. Pamwe neyeme ndyoka oshitayi shUukwanyama osha gandja wo ethaneko lyasho mpoka ongamba yi na ando okwenda.

Oshigongingeleki shomwedhi nguka, osha li shi na uulili miinima oyindji, okuyeleka niikwawo yomimvo dha piti. Osha li shotango mehistolilyOngeleki, iilyo yasho inaayi hogololwa komagongalo, ihe okiigongi yiitayingeleki. Iilyo yoshigongi kumwe naayenda yasho, omwaalu ogwa kuluka okuza 300 sigo opo-40 lwaampoka.

Iilyo 41 yi na ewi lyetokolo moshigongi shoka, oya li ya tula poshitaafula oshikundathanwa shethimbo ele, noshikukutu, nkene omathane-



ko gaali gongamba, (ethaneko lya Z, nolyoshigongingeleki shoshene 1986,) taga tsithwa kumwe pu monike ndyoka li na okulongithwa.

Oshikundathanwa osha tentekwa poshitaafula shi monenwe eyamukulo. Iilyo ayihe oya zimina uukukutu washo, ihe oye shi taalele mombeppo yetegameno, Kalunga ota vulu oku ya wiliika. Eyamukulo ndyoka tali zi mo, olya kwatele-

Tala kep. 6



Omusita Matti Amadhila, methano pombanda, okwa hogololwa kOshigongingeleki a tsikile natango okukwatha omumbisofi mombelelwa ye. "Okulonga mombelelwa yiinakugwanithwa iidhigu niinene, omuntu otashi ku fupipike. Onda halele ando gulwe ishewe a mone olufo, ihe otandi taamba einekelo lyeni mungame. Otandi ka ninga ashihe te vulu, okukwatha omumbisofi," osho Amadhila kwa li a tumbula pehogololo lye.

Amushanga mombelelwa yeputudho lyopakriste, meme Hilma Tshilongo-Paulu, okwa gandjele wo ehokololo lyoshilonga shoka nkene tashi ende pethimbo lyoshigongingeleki. Okwa ti oyi ipyakidhila ngashingeyi okutoloka omambo gomusindalongo gwasikola yEshasho nekoleko, osho wo gwOsikola yOsoondaha.

“Inima ohii popiwa ngaa!”

Shilombolwa iinima ohii popiwa ngaa, oku na oonkundathana muuyuni omolwemanguluko lyaNamibia. Oonkundathana odhi li mondondo yopombanda shi vule shito. Okupopya emanguluko lyoshilongo shika, yamwe otaye shi tala okuyaguma ondjodhi, yomutenya nokuli.

Ihe omalimbililo ngono hago nando taga ningi emanguluko li kale inaali ya. Otali ya, nziya nenge tali kala ko, ihe ondjila twa taalela ngashingeyi ofupi okuyeleka naandjoka twa zi. Onke oshigwana oshi na okulongekidha omutima gwasho oku li taamba.

Okutala omamanguluko giishindalongo yetu mbyoka ye tu tetekelele mo, nasho oshiwana. Ihe oshigwana kehe osho shene tashi tokola uuwanawa wemanguluko lyasho ndyoka sha hala. Omukwashigwana kehe oku na uu-themba noonkondo okweeta po uuwanawa mboka. Emanguluko onkalamwenyo ompe yi na omalunduluko omanene nomashona. Onke ohali ilongekidhilwa ngaashi naanaa aagundjuka taa ilongekidhile mondjokana, moka taa ka tameka onkalamwenyo ompe, yo ya dhimbwe ndjiyaka yonale.

Etondathano li pingenge kohole nokuumwayinathana. Oondunge neputudho lyopaukoloni, tali pingenge keputudho lyesimaneko lyuuthemba womuntu kehe. Okutala omutiligane, omuhona, tashi pingenge noku mu tala omunashilonga pamwe nangoye. Okutala omuluudhe, oshilongitho, shi pingenge noku mu tala omumwanyoko.

Yamwe oya tegelela emanguluko, egulu tali ya gwile e taa kala moparadisa. Inashi puka ngiika unene. Ashike oparadisa ndjoka otayi etwa po komazigudhe giilonga yomukwashigwana kehe, sho ta tungu oshilongo she mwene. Ngele oho tungilwa oongulu dhosikola komutiligane uunona woye opo u longwe, memanguluko ou na oku shi ninga ngoye mwene, shika oshiholelwa. Emanguluko oku taamba iinakugwanithwa mbyoka ihoo yi ningi muukoloni.

Tu longekidheni iikaha yetu okutaamba emanguluko, manga kuyeke, otali ya. Komeho otatu ka popyeni kiinima mbika.

Ino holeka Amushanga gwo-shifo edhina lyouye nondjuki-thi nando wa hala okulongi-tha edhina lyefutamo.

“FILIOQUE” MEHEMPULULO LYOKUNI-KEA-KONSTANTINOPOLI

Ku Tomas Shivute

Filioque

OSHIKOPOLWA SHAHUGUNINA

Otekisti ndjoka tayi koleke elongo ndika oyi li muJohannes 16:13-15, moka Omuwa Jesus ta popi Ombepo Ondjapuki kutya “..... oye ta kutha mumbiyoka yandje note mu hokololele”. Edhiladhilo oli li mpoka kutya meni lyUukwatatu kamu na opersona, ombinga yimwe yomUukwatatu tayi vulu okukutha nenge okutaamba pwaa shi pamukalo nguka ‘mu nom/u’.

Ootekisti onkwawo tadhii ambidhidha o’filioque’ odho Gal. 4:6, moka Ombepo Ondjapuki ti ithanwa “Ombepo yOmwana,” Rom 8:9. “Ombepo yaKristus” Fil. 1:19 “Ombepo yaKristus” nosho wo natango Joh 14:15,16, 2u na 16:7 ndhoka tadhii popi Jesus ta tumu Ombepo Ondjapuki kooitaali.

Ongeleki yokuuzilo (Ortodoksi) naandjoka yokuuninginino (ngashingeyi opwa dhiladhilwa oongeleki adhihe ndhoka dha landula omulandu gwaRoma pamahempululo gopaekumene nsht,) odha topoka melongo lyUukwatatu molwoshinima shika, Filioque.

Ongeleki yokuuzilo inayi zimina o ‘filioque’ molwiinima iyali. Shotango: o ‘filioque’ oya gwedhwa mEhempululo pwaa na euathano. Oshigongi shoka shaToledo 589 kasha li shopaekumene (shaayehe), tashi ti Ongeleki yokuuzilo kaya li yi na mo ewi; auninginino oya tokola oshinima oyo ayeke (osho wo muSeleukia 410 nomuToledo 447 auzilo kaya li mo!)

Ano tu tye o ‘filioque’ oya kundathanwa sigo ya gwedhwa mEhempululo pwaa na ewi lyOngeleki yokuuzilo. Patiyali: Ongeleki yokuuzilo otayi longo kutya pauteologi Kalunga He, oye awike olunza moka mwa za Omwana (a valwa kuHe

manga uuyuni wa li waa ko) nOmbepo Ondjapuki (ta zi muHe.)

Tashi ti ngaashi Omwana a tumwa kuHe, osho wo Ombepo Ondjapuki ta zi muHe ngaashi shi li motekisti yEhempululo ekulu (manga o ‘filioque’ inaayi gwedhwa mo.) Nena ngele otaku dhiladhilwa kutya Omupopili ota zi muHe nomOmwana, auzilo otaa ti oshinima shaa li paMbimbeli. Ootekisti ndhoka dha tumbulwa tadhii popile ‘filioque’, otaye dhi fatulula shi ili.

Aauninginino otaa tala kutya omadhiladhilo gaauzilo otaga lyalyakaneke Uukwatatu Uuyapuki, oshoka Omuwa Jesus ota ti: ‘Ayihe mbyoka Tate e yi na, oyandje’ (Joh. 16:15). Kombinga onkwawo Ongeleki yaKatoolika kaRoma oyi itaala kutya ‘okantoko’ ko ‘filioque’ otaka vulu okuthigwa po shaa tuu itaashi yono sha mUukwatatu Uuyapuki. Omupapa Pius XI okwa thigi po o ‘filioque’ pamalupita mongeleka yaPetrus Omuyapuki uuna ndoka a ningi emisa.

Eyamukulo okangundu kuuteologi otaka ke li tuma kElelongeleki, opo li humithwe komeho kumboka ye li tegelela.

LOANS LOANS LOANS

We grant loans from R1000,00 up to R10 000,00. For further information contact:

Mr. Amadhila Set
P.O. BOX 302
Tel 272
ONDANGWA
9000

For prompt Services send R95,00.



Omumbisofi K. Dumeni pamwe naakwathi ye ota laleke nuuyamba Elelongelki epe. Pamwe naashono ota laleke wo feelani T.K. Pennanen ngoka a laleke omasiku ngaka a shuna manga oomwedhi hamano kuSoomi. Oye ngoka a tentekwa iikaha.

ELIHUMBATO LOMUNASHILONGA KESHE

Ope na etiku olo omunashilonga a hoololwa nokwa ningwa ku-Kalunga opo a dule a ye moilonga yOmwene. Jer. 1:4-10. Omunashilonga okwa hoololwa manga e li medimo eshi a ka dja mo okwa yapulwa ne. Eyapulo nokutya okwa yoololwa mokati keenyata dounyuni, odo tadi dulu okunyateka omuyapulwa.

Mwene woshilonga Jesus okwe lininga sha opo a dule okukwatela komesho eedi daye. Okwe li yapula. Oshoyo omunashilonga keshe na pewe oshihopaenenwa kuJesus. Ovanashilonga tu li yapuleni fyeevene opo tu fe Omwene wetu Jesus. 1 Petr.1:15-16 Jak.1:21.

Ovanashilonga ohatu pumbwa tu liyapule moinima tai landula apa: Tu liyapule (tu liyoolole) moilonga, tu ha longe oshilonga shetu sheshwa, osho tashi shekifa edina laKalunga kovadinikalunga.

Tu liyapule meendjovo tu ha popye ondjovo keshe ya sheshwa okudja mokanya komunashilonga mokupopya ondjovo ya nyata otai shekifa oshilonga shoye nedina laKalunga ketweni.

Omunashilonga ne liyapule e li yoololemoikulya nomoikunwa, aha lye nokuha nwe oikunwa keshe tai shekifa oshilonga shaye nedina laKalunga ketweni. Omunashilonga ne liyapule meendjila daye a ha ende ondjila keshe ya sheshwa okweendwa komunashilonga, otai shekifa oshilonga shaye nedina laKalunga ketu.

Apa nandi tumbule oinina imwe kondadalunde oyo tai holola elihumbatonai lomunashilonga mepya lOmwene. Oshinima shii unene ngeenge omunashilonga ta longifa nai emona laye, te li yandje eembubo kovadipai va dipae ovanhu. Dimbuluka Balaka naBiliam.

Omunashilonga ota ningi nai ngeenge ta kwata omunhu komulungu nombubo a ha popye oshili. Oshinima shii komunashilonga a kolwa nde ta nangala pomutenya ile moixwa, ndele te lituwa kovalongwa ndele tave mu hambata tave mu tula meumbo ile momudile. Eshi ohoni yongaho.

Eendjila domunashilonga ngeenge oda yuka moluhaelo, osho oshinima shii ngeenge ta dengwa eembole molwomukainhu wovanhu ile omulumenhu wovanhu nokufutafuta omaukodi,

moshinima sha tya ngaha, omuyapostoli ote tu popifa: Rom.2:19-24.

Omunashilonga ngeenge to longo oilonga ya tya ngaho oto nyonopo oshiwana noto ke shi pulwa ku Kalunga. Epulo mbela omunashilonga ngeenge okwa ningi ongholwe, ota dulu tuu okupukulula omukwatelwa komesho waye moshinima shonhumba nande oshoikunwa ile shoulunga ile sholuhaelo?

Ndishu ngeenge okwa kendabala okutya, ino kolwa vali, ino vaka vali, ino nyona vali ohombo, ndishu omupukululwa ote mu tomho ta tii: Naave hasho ho ningi? Hamba oinima otai lifungwa? Nande okwa tiwa pwilikineni eshi tave mu lombwele inamu tala oilonga yavo.

Odo ovanhu kave na nado. Shavo okuhopaenena ashike oinima inai yela. Ovanashilonga ovaholike, tu lungameni ohatu ka pulweni shihapu. Natu likwateni nawa ngaashi omudali he li kwata nawa omolwoludalo laye li ka kale nawa mounyuni. Ou ito dulu okulikwata nawa, oshilonga shi efa shi ye kwaau te shi dulu, ovanashilonga ohatu ka pulweni eemwenyo dovanhu, Jak. 3:1-2.

Omunashilonga mukwetu leshe eetekisti tadi landula apa. Rom.12:7-8

Etungo lyosikola yOmbimbeli moNkurenkuru Iya lakatithwa po komulilo

Oshiponga shika osha holokele mOsondaha eti 5 Juni 1988 komatango potundi 5. Shoka she etitha omulilo, aanasikola aamati yaali, mboka ya tula omuligu mondoloma yomahooli opo ando yu udhithe otenga yokila. Moku shi ninga, oya dhi-mbwa e taa thigi omahooli taga piti ngaaka. Notenga sho yu udha omahooli oga tameke okukunguluka noondjugo adhihe sigo ga thiki kesiga lyomulilo, nopo mpoka omulilo ogwa yaka ihe. Mupyamunene kapu na ngoka e gu monene po mbala.

Etopo enene lyokila nenge pamwe lyesiga lyohasa olyo lya halutha aantu ya tale kutya openi. Nomokumona olwithi talu gundakana kosikola yOmbimbeli, aantu oyi ile ya kwathe okudhima, ihe mupyamunene omulilo ogwa adhika gwa kwata nale oondunda adhihe ne dhometungo lyokombitha. Moshililo omo ashike mwa kuthwa iitaafula niipundi yimwepo nomalapi gopomakende.

Mbyoka ya yonukila mo, ongaashi iitaafula ine vomokombitha, okila, esiga lyokohasa, iiyaha

Kor.6:3-10. Ovanashilonga ofye ombapila, ohatu leshwa kovanhu aveshe, tava leshe eenghedi detu. 2 Kor.3:2.

Omunashilonga oye olamba, oye omukwati keti lomupofi Rom.2:19. Oye omukwaita, oye ongudi moshiwana, oye onani yokunana oshiwana, shi kale shiwa, Mat.5:13. Omunashilonga oye omongwa tau fingaleke oshiwana, shi kale shiwa Mat. 5:15. Omunashilonga ou e li ongudi na lungame a ha ninge ongudi yombolo ya tukwa, otai teka po, noshiwana tashi wile pedu.

Ope na ovanashilonga vamwe vovakainhu va hombolwa keedjapo, odo tave litangele noke wete vali omulumentu waye ngeenge otapa laula, e mu dina. Vakwetu ovaholike, natu taleni oshilonga otwe shi pewa kefilonghenda lOmwene wetu Jesus Kristus.

Ovanashilonga ava mwe lihumbata nawa, Kalunga na pandulilwe elitule mo eshi mwe litula mo moshilonga shOmwene, nokuyandja oshihopaelelwa shiwa. Teeleleni ondjabi yeni kOmwene oyo tai ka pewa ovashingifi voshitalenti shOmwene wetu Jesus.

A. Muleka

nomakopi 70, omalusindo noombete, noosikopa mbali dhiiyaha, omayemele noombaali niilongitho yi ili noyi ili yomokombitha. Oshiponga shika oshe etitha eyonuko lyomwaalu R35 000,00.

Aalongwa yetu ngashingeyi ohaya lile nokutelelela pondje. Otatu indile aakriste aakwetu moshilongo nomuuyuni pondje ye tu kwathe tu vule ishewe okwoopalekitha etungo lyetu. Eku-ma oli li ngaa hwepo. Otatu pandula oshigongi shaagundjuka mUushimba shoka sha gongalele eti 24-26 Juni 1988 mOtiwarongo, negongalo lyaNkarapamwe. Mbaka oye tu tondokela nale onkugo.

Omakwatho agehe naga tumwe kondjukithi ndjika:

Kavango Bible School, Nkurenkuru
P/Bag 2084
Rundu 9000

"Ano inamu ekelahi einkelo lyeni li na ondjambi onene."

H. Ausiku
Omukuluntusikola

OMALENGA AUKWANYAMA MOMAKANYA AVO KAMU NA ETUMBULO: "OKAMBA NAI DJE PO."

OHANGWENA: Ovakulukadi mOukwanyama ova kondja oshimha omutenya aushe okutumbulifa omalenga avo etumbulo; "okamba nai dje po." Onghendabala yovakulukadi moshinima osho, oya ningilwe tete 10.7.1988 peumbo lelenga ekulunhu, omushamane Gabriel Kautwima nolutivali 12.7.1988 pombelewa yoshilongo, pOhangwena.



Ongundu yaakulukadhi yu uka pombelewa yoshilongo shUukwanyama, ya ka holole uudhigu woluvalo lwawo, omolwomakakunya nookamba dhago moshitopolwa.

Ovakulukadi ve fike pefele limwe ova dile koushilo nokouningiinio woshitukulwa shaUkwanyama, vamwe va dja kokule eekilometa di dule 50, opo va holole oudjuu wavo komalenga. "Otwa li tu na okukala ongudu inene i dulife apa, ndele vakwetu vamwe va nyengwa kondjila," osho va lombwela omalenga.

Eetundi nhano ovakulukadi ova teelega nelididimiko linene, va pewe omhito yeenghundafana. Ova hetekela okulikola omitima domalenga, opo a kenukile oshiwana shavo moudjuu omo shi li mo. Oule weetundi mbali netata meenghundafana, kapwa li nande elenga limwe li na omukumo okuholola poluhaela, nokutya "okamba nai dje po."

Omalenga okwe li popila nokutya nao kae udite ombili onunona tava file meefikola. Navo vati inava hala okamba i li opo, ashike itava ti yo kutya nai dje po, osheshi vati kave na eenghono oku shi tya.

Omalenga G. Kautwima naGottlieb Dan ovo aveke va kala tava yandje omanyamukulo. Omalenga makwao oo kwa li a ifanenwa a yandje enyamukulo kovadali, inaa makuka, fiyo oshoongalele sha dimbuka.

Ovashamane Kautwima naDan, ova kala tava ngongota meenghundafana kutya oshiwana otashi va lundile nokutya ovo inava hala okamba i dje po. Ove shi likala yo nokutya ovo va pula eekamba di nenepewe mOukwanyama. Ova ulika natango koshifo shOmukwetu nosha The Namibian nokutya oyo tai va popi nai moshilongo nomounyuni.

Ovakulukadi komalenga ova ile ko nomukanda omo va tula omadiladilo avo melandulafano liwa. Momukanda ou, ova ulika koitwa tai landula:

- Oshitokolifo 435 shi ye moilonga.
- Okamba mOhanwena i dje mo, oyo ya eta

epiyaano moshilongo ashishe, omo mwa dja epato leefikola moshilongo ashishe, osho yo etauluko lounona ongaba yaNamibia naAngola.

- Fye ooina yoshiwana eshi, otwa kenyanana okutambula alushe omidimba dounona molwoikuti tai di meekamba ponhele yeedjapo.
- Ounona vetu ava va tauluka ongaba, inava landulilwa ko vali, voo va ka dipaelwe ko oshiningilewina.
- Katu na vali ovalumenhu momaumbo eshi ve li meedolongo, nounona, eshi va tauluka ongaba.

Pefimbo leenghundafana, ovakulukadi ova anya okwiitavela eendaka domalenga eshi taa ti kae na vati eenghono, okupopya kumwe noshiwana okamba i dje po. Ovakulukadi ova tinda yo o-



Elenga ekulunhu mOukwanyama, G. Kautwima mefano eli oli li ofika tali yandje omatomhelo kovadali vounona fiku olo, kutya omolwashike kali na eenghono li tye okamba yomakakunya nai dje po.

kwiifanewa omunashipundi wokabinete kepangelo lopokati, omushamane Andrew Matjila, oye vati e uye a kufife po okamba.

Ovakulukadi okwa li tava teelega etumbulo limwe alike momakanya omalenga avo, a popye pamwe noshiwana, kutya "okamba nai dje po," inave shi mona.

Eshi osha li she va nyikifa unene oluhodi. Ovadali ova xulifa eshakeno lavo nomalenga nokutangumuna oshitevo shoufiye ngaha: Ove shi ninga nokwiimba.

3.
Hatu lili koshitunda shaUkwanyama
Oomeme nootate aveshe tava kuu
Talen, onye malenga etu, onye vakomesho
Oshiwana osha loloka

4.
Tala ludalo letu tali elaela
Tala kounona voshiwana tava hepa
Tala kovanyasha vetu vahapu paife
Oshili, edu lavo ve li fiya po

5.
Vanafikola vetu ove mu lilila
Eekamba popepi neefikola di dje po
Otava popi voo tava fi
Voo va lemama, malenga
Hafifeni oshiwana sheni

Sebulon Ekandjo

AATILIGANE YA TIDHWA MOKAVANGO

Epangelo lyaKavango, olya koleke etokolo lyaavali moKavango opo omuwiliki gwelongo, omushamane Chris Taljard moshitopolwa shoka, a kale a thiga po Kavango. Aalongi wo yatatu, aatiligane nayo oya pewa elombwelo ndyoka, sho kwa dhimbululwa kutya nayo oya li moshinima shedhengo lyaanasikola yomoRundu, molwaashoka aniwa oya holola euvitopamwe naalongwa ooyakwawo moshilongo, okuthiga po ootundi.

Oosikola muNamibia dha ka tameka ishe-we, oshikako oshitatatu shosikola okuza moshipotha shoomwedhi mbali sho dha thigile po iipundi okuyambidhidha etokolo lyoosikola mOwambo ndhoka dha patele omoluupopepi wookamba noosikola.

Etokolo oosikola dhi tameke manga, olya zi moshigongi shaakalelipo yaavali, yomahangano gaaniilonga, noyaanasikola sha li ko 9.7.1988 moDöbra. Oshigongi osha li sha hiywa kehangano lyaailongi, NANSO.

Muule wethimbo lyiiwike ine, oosikola sho dha ka tameka, oosikola odha tegelele epangelo:

- Li mangukule aanasikola, aavali naalongi mboka ye edhililwa.
- Aanasikola mboka ya tidhilwe moosikola, ya shune mo mbala, pwaa na sha tashi pulwa tango.
- Aanasikola mboka ya kala momainyengo giipotha yaa landulwe nando nenge yaa hindwe.
- Aaniilonga naalongi mboka ya tidhwa miilonga ya shunwe mo pwaa na sha tashi pulwa tango.

Ombelewa yokupulakena omahepeko moshigwana

Opwa egululwa ombelewa ompe moshitopolwa shOwambo nelalakano aantu mboka taa tsakanekwa komahepeko, unene gonkalo yiita, ya wape okukongelwa ekwatho. Oshituthi sheegululo osha ningwa 9.7.1988 mOngwediva.

Ombelewa otayi ithanwa ombelewa yuuthemba wopantu noyi li metonatele lyEhangano lyaanaveta Lorentz + Bone, mOvenduka. Iilyo yEwilikongundu omunaveta G. Bundlender; omumbisofi K. Dumeni; omumbisofi B. Haushiku; omumbisofi J.H. Kauluma nomunaveta D.F. Smuts.

Ombelewa ndjoka opo yi thikame po, oya pewa iimaliwa kEhangano lyuuthemba wopantu muuyuni, osho wo komapangelo gamwe ngaashi lyaSweden; Norway; Denmark; Canada na-Australia. Komahangano gamwe ngaashi gopapangelo nako okwa zile ekwatho ngaashi muNdowishilanda lyuuninginino.

Pethimbo lyeegululo, aakalelipo yomapangelo ga tumbulwa, nayo oya li moshituthi, kakele komukalelipo gwepangelo lyaAustralia ngoka a tumine ashike omakundo ge. Oshituthi osha li wo sha kalwa kaaleli yoshitopolwa shOwambo, ngaashi omukwaniilwa gwOndonga, Immanuel Elifas; elenga Oswil Mukulu, mOmbalantu; omukwaniilwa Josia Taapopi mUukwaluudhi, elenga Aron Shikongo, mOngandjera; elenga Wilbard Shooya, mUukolonkadhi osho wo omunashipundi gwepangelo lyOwambo, omusamane Peter Kalangula.

Oondohotola dhuunamiti; aalongi, aanangeshefa noyendji ye na iimpwiyu iinene moshigwana shika oyi ile okupulakena elalakano lyombelewa ndjoka ompe koludhi lwayo moshitopolwa shika.

OOKAMBA DHA PEWA IIWIKE INE OKULONGEKIDHA

- Ookamba dhomakakunya kuumbangalantu woshilongo dhi hedhithwe kokule noosikola.
- Omakakunya momalukanda, moosikola nomomikunda gi ikuthe mo mbala.
- Aalongi yombepo yuukwamuhoko nayo ya thige po oosikola mbala.

Oshigongi osha tala kutya opwa pumbiwa natango okakomitiye koosikola moshigwana hoka taka ka tala iinima tayi landula:

- Okuhanganitha kumwe ookomitiye poosikola dhi ili nodhi ili okuninga oshigongi shaayeche.
- Okulongela kumwe nokutaandelitha omauyelele kombinga yuupyakadhi welongo moshilongo.
- Okukwatha aalongwa mboka ya hepekwa kepangelo.
- Okutopolela uuyelele ehanganano lyaavali pamwe naalongi naalongwa (PTSA) poosikola adhihe pauthikepamwe.

Omupopihapu moshitopolwa shaKavango, aalongwa 18 otaa tegelele natango epangulo 2.8.1988, she ya li ya tindi okuya mootundi omolwokuholola euvitopamwe lyawo noosikola moshilongo, 30.6.1988.

Aalongwa posikola yopevi noyopombanda ya-Rundu (Rundu Junior and Senior Sec. School), oya li ya dhengwa nayi koKoevoeta. Aanasikola 18, oya li ya kwatwa e taa edhililwa. Konima oya mangukulelithwa mo kiimaliwa R300,00 kuheke gumwe, manga taa tegelele epangulo.

Aavali moKavango oya li ya geyithwa koshinima shika shuunona wawo wi ithanenwa omakakunya noyi indile omukuluntusikola ngoka e shi ningi, omusamane Bezuidenhout pamwe nomuwiliki gwelongo moshitopolwa shoka omusamane Taljard osho wo aalongi yatatu aatiligane kosikola yopevi, ya thige po oshilongo.

Epangelo lyaKavango pamwe naavali osho wo okomitiye yEhangano lyaalongi moKavango, oya gongalele 20-21.7.1988 omolwoshinima shoka ya tale nkene eindilo lyaavali tali tulwa miilonga. Omukwetu sigo opethimbo ta longekidha oshinyolwa shika, ina mona manga uuyelele woshizemo.

Sebulon Ekandjo

gwana osha li tashi limbililwa oshizemo, shaangoka e ku hindi noye ishewe to faalele uudhigu woye.

Ewilikongundu lyombelewa yuuthemba womuntu, oli na etegameno kutya ombelewa ndjoka melongelokumwe nombelewa yiipotha yopaveta mOvenduka, otayi ka gandja epopilo lya yuulukiwa moshigwana shika ethimbo ele, unene tuu moshitopolwa shika shiita. Shoka ashike sha pumbiwa omukumo gwaakwashi-gwana okuholola shoka ya ningilwa pwaa na uumbanda.

Sebulon Ekandjo



Aambisofi yatatu muNamibia, Aaluudhe, oyo ya li ye egulula oombelewa dhuuthemba womuntu pambelewa.

EFOLO LYAPRINS A TAMEKE EPANDJA LYOTANGO MONDJOKONONA YA ELCIN

Oshigongingeleki sha ELCIN numvvo, osha hogolola efolo Petrina (Prins) Shiimi a ninge oshilyo shElelongeleki. Osho oshikando shotango mehistolli lyOngeleki ndjika ya gwanitha ngashingeyi oomvula 34 meithikameno, omukiintu Omuluudhe ta yakulithwa mewiliko lyOngeleki ayihe.

Iilyo yElelongeleki ohayi hogololwa aluhe momumvvo omutine kehe mOshigongingeleki. Numvvo oshigongi shoka osha li ko 11-16.07.1988 mOngwediva moka iilyo iipe yElelongeleki ya hogololwa. Meme Shiimi okwa ningi gumwe gwawo.

“Oshilonga oshidhigu, nondi li po omushona. Ihe molwaashoka inandi shi hogololelwa molwandje mwene, otii shi taamba palombwelo lyJesus kuGolgota: **“Omukiintu, tala o-mumwoye.”** Otandi ka yakula Ongeleki yandje palombwelo ndika.”

Efola Prins osha a li a yamukula Omukwetu, konima yomminute dhimwe sho a hogololwa. Ehogololo lye oli lile po oshitayingeleki shOndonga, nomupeha gwe omusita Filippus Henok. Omahogololo omakwawo oga li ge ende ngaashi tashi landula:

Uukwanyama:

Apollos Kaulinge nomupeha gwe Filippus Shikomba.

Uuninginino:

Josafat Shanghala nomupeha gwe Ananias Iita.



Iilyo yOshigongingeleki 41, iilyo iheyali yomuyo oya li aakiintu kumwe naatumwa Aasoomi. Omulongi omukulu meme Lahja Angolo, Etilyasa, methano ndika okwa li gumwe gwawo.

Kavango:

Johannes Sindano nomupeha gwe Heikki Ausiku.

Peha lyEhanganotumo lyaSoomi, Ulla Nenonen pashilonga she, oshilyo, Irja Soikkeli



Iilyo iipe yElelongeleki, okuza kolumoho; omusita H. Ausiku; omusita J. Sindano; omusita F. Shikomba; omusita A. Kaulinge; omusita J. Shanghala; omusita A. Iita; omusita F. Henok; efola P. Shiimi; feelani I. Soikkeli nafeelani T.K. Pennanen.

KANDI UVITE KO

Onda lesa oshipopiwa shameme Nangombe Ausiku, moshifo shaJanuali 1988 mepandja 2.

Tala meme, omadhiladhilo gandje itaga tsu kumwe nogoye sho to ti natu nwe tse tu ikwate nawa. Nawa oyini to popi? Kandi uviteko sho wa hala okutya. Tse inatu hala we okunwa kwosuuka nomakende noombike. Iikunwa mbino oye eta iihuna mevi lyetu. Ombike sho ya li hayi kelelwa oshilongo osha li shi li nawa, nde sho pwe ya omakende giilumbu nombike iihuna, twa ningi onkolwe dhotango.

Meme ngoye mwene ou li kokule noshigwana shoye, ino tala nawa. Shi li huno kashi umbwa

nandhimbo. Omundohotola okwa popi mondjila, ino shi tinda. MOWambo kamu na we omukulu-ntu nokaana, ayehe aanwi. Nuunona womoondhikwa otatu nu oombiila, oombike, ndhino oshoshili te popi.

Ou li ndje kokule meme, ando otii ku lombwele nawanawa. U li konima yesiga ku shi uupyu wamulilo. Ne hulile manga mpaka. Nandi pukulwe ndi yamukulwe ngele onda puka. Otandi pandula kune mbo tamu galikanene oshigwana shetu shi manguluke mokunwa.

Nd. M. Shipahu Onayena

ONGAMBA YIIKANDJONGELEKI MU ELCIN

Dha za kep. 1

la mo onakuyiwa ayihe yOngeleki, ombwanawa nenge ondhigu.

Kashona nakashona onkundathana odha kala tadhi humu komeho. Iilyo oyindji oya li yi na omagano gokuninga omategu pokati koonkundathana, aantu notaa teya manga oshindjola, nonando omilungu odha kukuta.

“Ongeleki pamadhiladhilo gaMartin Luther oyi li aluhe mondjila yeiyugununo (Reformed) yi ninge ompe (ecclesia simper reformanda) notashi yi ningi Ongeleki yi na omwenyo,” osho oshigongi sha tsuwa omukumo komusita Zephania Kameeta, ngoka a zile komwamemengeleki yomUushimba, ELC omolwoshigongi shoka.

Oshigongi osha tsu kumwe okulundulula ontokolwa yasho onti 31 yoshigongingeleki oshiti 13/86, yi ze oonkondo nethaneko lyoshitayingeleki shUukwanyama li ethiwe opo pu tendwe ongamba yilwe yi ikalela. Okangundu kowina oka hogololwa moshigongi shoka, hoka ka tenda ongamba ompe. Ethaneko ndika olya taambwa koshigongi shoshene. Okangundu haka otaka longo kumwe nElelongeleki.

Ethaneko lyongamba ompe otali faalelwa iigongi yaasita niigongi yiitayingeleki yi gandje omadhiladhilo gayo kuyo, manga inayai kolekwa lwahugunina kOshigongingeleki. Iilonga ayihe yopangeleki otayi ende manga pamulandu omukulu, sigo pwa monika nkene taku tsikilwa nomulandu gwomauthompango omape.

Sebulon Ekandjo

Oshivilo shedimbulukwo letumo eshi la fika mOwambo 9.7.1870, osha li ko neudo mOngwediva 10.7.1988. Nande koitai ikwao itatu yOngeleki okwa dile oomwe noovavali, oshivilo neudo osha kalwa unene kovanyasha nounona veongalo laNgwediva.

OHANI YETUMO MU ELCIN YE LIPITILA PO INASHI KONEKWA KUVAHAPU

efiku letumo ohe li yeleanifa nefiku ledalo laye. Okwa ti yo ngeenge inatu longa etumo, nena otwa longa shimwe shi lili, osho shi he li

Ekumaido leenghono okuya moshilonga shetumo ola dile yo mokanya komufita Paulus Heita. Okwa shiiva ovo va faduka po koumbada oshilonga shetumo, ve likanghameke voo va ye monudu yoonakulonga etumo. Oshivilo osha li sha xulifwa nokuyandja ongalo yokeypyatumo laAngola oyo ya dile ashike R197,98.

Pauelele oo wa dja mombelewa yEtumo mOngwediva, oshivilo shetumo shOngeleki 1987, osha ongalele R257,17, oshitine shimwe sholitelatela yoiyla, omapando avali eenghaku, omakaka 15, noikutu yoshikainhu ivali.

Eongelo loneudo (1988) ola shuna natango pedu. Omaongalo mahapu otaa nyemata, kutya ihaa pewa ouyelele wa wana kwaasho tashi ningwa po noshilonga shetumo.

Sebulon Ekandjo



Oshituthitumo numvo mOngwediva. Aagundjuka naanona oya li taa monika oyendji.

Mepopifo laye moshivilo, omubishofi wOngeleki K. Dumeni, okwa londwela ovapwilikini va lungamene oshiponga shouhasha nexupifo lovanhu osho tashi lyombebe movaitaveli.

MOshoongaleleengeleki osho sha ka landula konima yoshivike shimwe, omubishofi okwa indila nomufindo oshoongalele shi talulule omukalo mOngeleki ou tau dulu okupendula po ohokwe yoshilongatumo moilyo yomaongalo.

Omushamane Justus David, Amushanga wEtumo mOngeleki, okwa ulika komaukwatya oshilonga shoshene nokwa ti, mokulonga etumo, Ongeleki yetu muAfrika kai na eameno lopapopotika, ndele omwaameni oKalunga aeke. "Ongeleki oyo i na ovakriste itava longo etumo, oye likalekelwa noya talika itai wanifa elombwelo laKalunga," osho a popya moshivilo.

Ovapopi vakwao ova li ovapashukili voitaingeleki. Omufita Apollos Kaulinge, ye okwa ti

melalakano laKalunga.

Ehepaululo letu mokulonga etumo, omupashukili woshitai shaKavango, Asser Lihongo, okwa ti, otwe li pewa meshasho letu. Evaengeli lombili natu li twale kuvakwetu ngaashi omunhu wa djala eenghaku keemhadi, osho a kumaida.

Omufita Josafat Shanghala, okwa ti, efimbo li li po paife, kali shi vali lokupopya, ndele olokuya ashike moilonga. "Otwa udifilwa nale sha wana, ndele inatu itavela sha wana, otwa diladila nale sha wana, nde inatu eta po sha sha wana, otwa popya sha wana, ndele inatu longa po sha natango sha wana," osho Shanghala a ti.

YA KANA

Ohandi kongo omumati, Hafeni (Philippus) Amunyela a kwatelwe 17.12.1987, efiku limwe na Josef Dumeni. Okwa dile mOuheke mEngela. Pamwe pe na ou a uda ta fofodolwa.

Astofel Naluwa
Ouheke, Engela

+++++

Ohandi mu indile nefimaneko mu tule Johannes Kawelenaka Komeya, momusholondondo gwomadhina goonkwatwa. Okwa kwatelwe 9.4.1988, ndele sigo onena katu shi mpoka e li.

Erasmus I. Komeya
Onaandi, Ogongo

Ou shi shi tuu?

Olye e ku konda omagulu?

POKAKWA WHOLESALE opwa holo-ka ondjugo yomayogelo giikoshomwa yoye ayihe. Yogitha iikoshomwa yoye pondunda yomusamane:

Johannes (Aluvilu) Sheehama, POKAKWA, OMBALANTU.

— Aayakuli oyi ilongekidha oku ku kwathela kehe ethimbo.

POKAKWA WHOLESALE



Oshituthi shomisioni yOngeleki ayihe numvo mOngwediva, osha li sha tetekelwa koshigongi shaamboka haa longo momapya getumo mOngeleki. Aanashilongatumo yokEpya lyaAngola oyo ayeke ya li inaa mona ompito yokuthika. Methano ndika otaa imbile ko oshituthi.

ETEGELELO LYEVALO LYANAMIBIA OLI LI LYO NGASHINGEYI MOKANYOTHI

Oonkundathana kombinga yemanguluko lyaNamibia omwedhi tagu ya, yamwe otaye dhi tala kutya odho uusimba we etwa mokanyothi, okanona ka valwe. Oshitheta shemanguluko lyaNamibia, osha chama aaholimbili ethimbo ele, nope na etegameno enene ngashingeyi okanona ka valwe.

Oonkundathana dhomwedhi tagu ya 2-4.8.88, etsikilo lyaandhoka dha ningilwe muNew York 13-15.7.1988, oshikando oshitine. Moonkundathana dhaNew York omo mwa zile ethaneko lyomufango nkene iita nuutondwe u na okuhulithwa po muumbugantu waAfrika.

Omufango ngoka gwa ziminwa 20.7.1988 komapangelo agehe ga li moonkundathana omwa kwatelelwa iinima tayi landula:

- Oshitokolitho shligwanahangano 435/78 shi tulwe miilonga. Omapangelo ngoka ge li moonkundathana, Angola, SA, Cuba naAmerika omupokati, oga tegelelwa ga gandje mbala esiku kuAmushangandjayi gwligwanahangano, uuna oshitokolitho 435, tashi tulwa miilonga.
- Epangelo lyaAngola nolya SA, ga uvathane noga longele kumwe ga tule oshitokolitho 435 melandulathano, melongelokumwe na-Amushangandjayi gwligwanahangano, pamukalo gwehogololo lyaayehe lya yela nolyoshili, ko ku yandwe onkatu kehe tayi imbi oshitokolitho shoka shi ye miilonga.
- Omatanga gAacuba ngoka ga langekwa muumbangalantu woshitopolwa, ga shunithwe kokule pauvathano lyepangelo lya-Angola noRepublika yaCuba, nOraata yegameno yligwanahangano yi pule omapangelo ngoka gaali etokolo lyago, uyelele kutya omatanga otaga gama kombinga yini.
- Pu simanekwe uthikepamwe woonkondo dhepangelo nodhomupangeli kehe, (Angola naNamibia) nemanguluko lyiilongo mbyoka

osho wo ku simanekwe uukumwe woshilongo kehe pwaa na ehindathano lyopoon-gamba.

- Pu ethiwe okuhindathana nokulongitha oonkondo kemanguluko lyoshilongo kehe, nenge okuhinda uukumwe woshilongo kehe.
- Omapangelo ngoka (Angola naNamibia) ga taambe oshinakugwanithwa shago, shokwaapitika iilongo yago yi longithwe omahala giita, iiponokela nenge elongitho lyoonkondo tali ningilwa oshilongo oshikwawo.
- Pu kolekululwe ekondjo lyaantu yoshitopolwa shaAfrika shuuningininolukadhi, opo ya adhe eipangelo lyawo, emanguluko nuuthikepamwe muuthemba womuntu.
- Pu tonatelwe nopu yelithwe shono shi na okuningwa, miinakugwanithwa mbyoka ya zi meuvathano ndyoka, opo yi tsakanithwe.
- Okwiigandja mombepo ombwanawa kiinakugwanithwa mbyoka ya zi meuvathano, opo yi tsakanithwe nomayooloko ngoka ge li po ga monenwe eyamukulo pankundathana.
- Iilyo yaaluhe mOraata yegameno yligwanahangano yi yalulwe ongombangi (guarantor) yokutulitha miilonga omauvathano agehe ngoka opo ga tsakanithwe.
- Oshilongo kehe shi kale nuuthemba washo wombili, weipendulopo nowokweetapo onkalathano ya pumbiwa.
- Pu longelwe kumwe niilongo yaAfrika noyuuyuni omolwoshikundathanwa nomaupyakadhi gasho mependulopo lyoshitopolwa shaAfrika lyuuningininolukadhi.
- Amerika a yalulwe ongomupokati moonkundathana ndhoka adhihe.

Ethaneko ndyoka olya kolekelwe komapangelo giilongo ayihe mbyoka ya gumwa koshinima shoka eti 20.7.1988.

Konima yoonkundathana dhaNew York, Amushanga gwiikwapondje mo SWAPO, omusamane Hidipo Hamutenya okwa popila muLuanda, kutya eitulomo lya SA ndyoka tali monika okuhulitha po oluhindo lwe kuAngola, osho euliko enene, kutya okwa tameka okuukilila miinima yoyene papolotika, paukwiita nopaudiplomati, ye i ikuthe mo moshitolwa.

Okuza kuCairo sigo okuNew York, SA otu ulike ehala, lyoshitokolitho 435 li talululwe. SWAPO ngoka sigo omedhingoloko etine lyoonkundathana inaa ithanenwa mo, okwe shi yelitha iikando oyindji, nokutya ita ka zimina oshitokolitho shoka shi talululwe, ihe oshi na okutulwa miilonga ngaashi sha zimininwe 29.9.1978.

SWAPO okwa ti wo, ye moonkundathana ina pumbwa mo manga, sigo dha thiki miinima mbyoka tayi mu gumu. Aluhe ehanganano ndyoka ohali pewa oshizemo shoonkundathana kepangelo lyaAngola.

Sebulon Ekandjo

OTWA LOLOKA

Otwa loloka kwaasho hatu ningilwa
Ovanhu twa fa tu he li medu letu
Ohatu tambulafana shetanga tali lyatwa
Twa fa tu he li moshilongo shetu
Otwa loloka!

Otwa loloka molwombili ya kana
Twa li ku teelela ceughundafana di tomhole sha
Omhangu younyuni nayo ya tokolele
Ndele fiyo onena kepa inaku tuta
Otwa loloka!

Otwa loloka okudengwa, okukwatwa nokuundaulwa
Twa loloka okwiidililiwa inatu pangulwa
Otwa loloka okukanifa ovaholike vetu
Yahapu vomuvo tu he shii apa wa ninginifwa
Otwa loloka!

Otwa lolok'okulyatelw'omapyo nomaumbo etu
Twa kenyanana omahangu taa punduka keshe fiku
Otwa loloka okutal'oxuna keshe efiku
Yovakulupe nounona tava file momaumbo
Otwa loloka!

Otwa loloka keameno li he fi loshili
Twa hal'edina eameno li lundululwe
Li ningwe nand'etanga lehanauno
Shaashi osho tali ningi shili
Otwa loloka!

Shitiwa nyee "vaameni" shi konekeni
Fyee oku otu li ko hatu shi hongwele
Efimbo mwe tu "amena" oile
Ashike fyee eameno leni katu li wete
Otwa loloka!

Otwa loloka ovanhu tave lilongele kufye
Twa lolok'oongoloneyandjai tave ya vo tava i
Va shiive va ka mon'oilonga iwa kedu lavo
Hashi pitile mehepeko nedipao lovanhu vetu
Twe va loloka!

Otwa loloka okulombwela omatwi a fita
Twa kenyanana okulombwelwa osho she tu fewa
Fyee otwa hala omutondi u dje mo medu letu
Walye nec eshi naapa u li pe he fi pwoye
Twe ku loloka!

Fye otwe shi koneka kutya hafye u hole
Shapo owa hokwa eliko ledu letu
Shaashi ou shi shi kutya ngee wa i eliko wa xupula
Onghee oto ningi "wongul'oponhele yoye."
Twe ku loloka!

Otwa lolok'okuuda omipaulilo
Deendjebo neeboma tadi topa
Otwa loloka molwovanhu vetu tu he va na
Twe va kufwa keefya doiningilewina
Otwa loloka!



Egwanitho lyomimvo omulongo, Aanamibia sho ya sile moCassinga, olya li lya dhibulukiwa muNamibia nuumvo. Ongundu ndjika oya gongalele mOshakati.

Tala kep. 9

Onkundana ya zi muAmerika

Umukalelipo gwetu muAmerika okwe tu etele onkundana yomalongekidho gehogololo lyomupresidende ndyoka lyi ipyakidhilwa nalyo ngashingeyi muAmerika. Okwe li hokolola ngeyi:

Huka oyi ipyakidhila nokutala olye ta pingene Reagan koshipundi. Omusamane ngoka pethimbo lyelelo lye lyoomvula hetatu, inaa etitha nando oonkondo moshinima shomukundu gwevi lyetu.

Elongitho lye lyomulandu aniwa "gwekwatathano tali tungu," (Constructive engagement), otwe gu tala ekwatathano tali mboniyagula, oshoka ogwa kateke emanguluko lyaNamibia. Ogwa imbi ehulithopo lyombala lyokatongotongo, gwo tagu faalele Savimbi oondjembo dhedhipago lyaantu kaaye na ondjo muAngola.

Omolwelelo lyaReagan inaali tu popila, Aanamibia otaa yuulukwa eshendjo lyiipala mewiliko lyaAmerika, pamwe hwepo. Mwaamboka taa tengenekwa ya ye moshipundi shuupresidende oyo:

Omupcha gwaReagan, George Bush, (ano G. Shihwa) gwongundu yoRepublican. Oshowo Mikael Dukakis yo nOmuluudhe omukwetu, omusita Jesse Jackson yomongundu yuudemokooli.

Omiyalu dhahugunina otadhi ulike 52% dhaantu dha panda Dukakis na 38% odho adhike dha panda Bush. Kombinga yaJackson aatalinawa otaa ti ye mwene oku na shili etumwalaka lya kola nolyoshili, unene tuu kumboka tu li molukadhi lwaAfrika.

Mupyamunene oshilongo shika inashi ilongekidha natango okutula Omuluudhe mewiliko, nando sha ningi ethimbo lyoomvula 200 sha manguluka.

Opo tatu tala shono tashi ningwa po muNovomba 1988.

TWA LOLOKA

Dha za kep. 8

Otwa loloka molweefikola tadi pate
Twa loloka eekamba doshiyele
Odo da dikwa meenyonga dovana vetu
Otwa loloka okumbebelekwa molwado
Twe di loloka!

Otwa lolok'ovanhu vetu tava dipawa kuwalye
Twa kenyanekwa kuwalye wakeshe fiku
Otwa loloka mwa tokelwa mo kesh'oufiku
Vati koo itaku endwa oufiku
Otwa loloka!

Otwa loloka keliko ledu letu tali yotwa
Okawe nongopolo naikwao tai vakwa
Oikwaliko tai kufw'oshimwenekepo
Manga fye moshilongo hatu fi oluhepo
Otwa loloka!

Otwa loloka eenghundafana doinanghonolongo itano
Twa kenyanana okuhelitulamo kwayo
Otwa loloka ombili nediminanopo lomokanya
Twa loloka oipopiwa itai tulwa moilonga
Otwa loloka!


Iwana itano eenghono omu di kwete
Dokumangulula noku tu popila
Ashike nanye otamu shili komupaya
Opo tu kolonyekwe medu letu
Twe mu loloka!

Vamwameme yaToivo okwe shi popile
Andimba naye yo okwe ka mukile
Ta ti: "Ondjila yemanguluko oidjuu yo oile
Shilishili otu li moudjuu paife
Tu nyatipaleni!

Inatu kondjeni ashike noiti ndee lwa xulu
Tu lyaameneni omesho kuNamhongo wetu
Pamba wetu fye iha nyengwa kusha
Onghee tu mu indileni e tu tul'olusha
Tu djaleni omukumo!

Nande twa lolok'oita, otu na eteelelo
Shaashi "eitavelo olo elineekelo la kola"
Fye otwa itavela oyo i he wetike
Yoo oyo nee exupifo twe li longelwa
Eshi fye tu li ovana vaKalunga!

Rev. F.J. Nashidengo



Omukardinal Roger Etchegarai muItalia sho a talele po Ongeleki yawo yaKatoolika muNamibia sigo okOwambo. Okwa li wo ya tsakanene nomumbisofi K. Dumeni, pethimbo lyoshigongingeleki mOngwediva. Methano ndika ota popitha oshigongingeleki. Oye omupresidende gwokomisi yomupapa kuRooma, ndjoka yi na sha nuuyuuki nombili nkene yi na okudhigininwa monkalathano.

Angola lyi imangulula nehalotokolo lyalyo no-koonkondo dhomatati

Okuza 1974, oshilongo shaAngola sho sha zi muukoloni waKaputu, osha gwile mbala miita iidhigu ya SA. Aantu ye vule 1 000,000 otaku tiwa oya sila miita okuza kethimbo ndyoka. Momwaalu ngoka kamu na mboka ya si pethimbo lyiita yOmu-putu.

Oshiponokela oshinene noshotango muAngola SA, okwe shi ningile muAguste 1975 niita mbyoka oya kala sigo Maalitsa 1976. SA sho a dhimbulula kutya oku na okahalu kokukondjitha epangelo epe muAngola, ye a hala okushonopeka eso lyaatiligane ye, okwa dhike etanga lyomakakunya omaluudhe muAguste 1, 1980.

Shika SA okwe shi ningi pondje yoveta yomandate (etonatelo) yuuyuni ndjoka yi indika elelwavi Namibia lyaa dhikwe ookamba dhiita, naavalelwamo yaa dheulilwe uukwiita sigo oshilongo sha mono eipangelo.

Omumvo 1981, muAguste natango SA okwa tsikile okuhomona iita muAngola noinaa galuka mo we sigo onena. Ethimbo alihe ndyoka SA a lala uumbugantu waAngola, okwa kala ta ningi iiponokela ya tsatsakana.

Omalugodhi omadhigu oga tamekele muSeptemba 1987 sigo omuMaalitsa nuumvo, moka SA kwa li a yuulukwa okukutha ko Cuito Cuanavale, ehala lya simana meipopilo lyaAngola muuzilo woshilongo.

Etokolo lyoshigwana shaAngola okugamenena po emanguluko lyoshilongo shawo, olya kala li na oonkondo li vule omakanona goshinanena noondhila dha SA. Pamwe nekwatho lyakuume ke Cuba, Angola oku ulukile SA kutya ye kee na siku naka ninge omupika gwa SA.

Ehangano lyuuyuni lyokukonakona oonkondo dhopakwiita (International Institute of Strategic Studies / IISS) muLondon olyu ulika omasiku

ga zi ko omaludhi giikondjitho taga longithwa muAngola.

Pahokololo lyomusamane Don Kerr, Angola oha longitha oondhila Mig-23, ndhoka hadhi mbombo nohadhi vulu wo okunana oonkwawo nomangeneta. Oku na wo ondhila MiG-21's na Suhoi-22 ndhoka hayi longithwa miiponokela.

Kombinga yomadhagadhaga, Angola oku na oludhi ndoka, lwa simana unene muuyuni auhe Mil-25. Ehokololo olya gandja etengeneko kutya Angola okwa fa wo e na oludhi Mi-8, ndyoka hali umbu nohali longithwa wo okuhu-mbata aakwiita.

Nonando uupyu womalugodhi otawo ende u uka pehulilo, kape na ngoka ta vulu okuyeleka eyonuko lyoomwenyo nomaliko ndyoka lya zi miita. Iilalo mbika iiyadhi yayo otayi ka leshwa nokepipi tali ke ya.

Sebulon Ekandjo

Omulandu wokuyambekela ovahongifikola moilonga youhongi itau hafifa nawa natango

Onda kala nookaume kange ovahongifikola nokupulange oshinima sheyambekelo moilonga youhongifikola, kutya ame ondi shi wete ko ngahelipi? Okudja nale Ongeleki jkwa li i na omaufomhango taa popi oshilonga shomulongi pamwe nelihumbato laye. Nonda li nda ulika oitokolifo imwe yomomaufomhango 102, omo mu na ewedelo kwa li ve li hokwa olo tali ti: Onawa omuhongifikola a punikilwe yoo oshilonga shaye shouhongi.

Mokutala nomokuuda nomokukundana, ohatu mono nomesho omangafifi ovanhu ve li moivilo ya fa eshi tava punikilwa oilonga efiku limwe



Ova shangela nge tava ti.....

vulu wo oku tu fulepaleka muule womitima dhetu.

Olupandu

Elongo tuu tali kongwa?

Oiwindji ohatu mono omaluvalo getu haga zi mOwambo taga kongo omatsikilo goosikola ngaashi mOvenduka muka. Uuna ya ndopa, okutameka ongundu 6-10. Omolwashike ano, taye ya okukonga omatsikilo huka?

Ngele inaye ga mona, aamati taa ningi oombotsotso, aakadhona taa ningi omakalalali. Elongu lyolyene otali eta uwanawa nenge uupyakadhi?

N. Kafunga na S. Heita
Windhoek

Ethimbo tu li mulyo

Ethimbo tu li mulyo owa koneke tuu kutya otali tu pula oshindji shopailonga noshopamadhiladhilo? Otali vulu oku tu pukitha notali vulu wo oku tu pukuhula. Otali vulu oku tu goyapaleka notali vulu oku tu longa oondunge. Otali vulu oku tu etela omalimbililo omadhigu gokomwenyo notali

Otali vulu oku tu umba oomposi oondhigu notali vulu oku tu tonatitha. Otali vulu oku tu kanithila ombili notali vulu wo oku tu indjipalithila ombili yetu yi kale ya gwanenena. Shoka tashi tu kwatha, osho okulesha oohapu dhaKalunga ndhoka ihaadhi goyokitha oshili nodho oshili yoyene. Mudho ilalo yokoomwenyo otayi mono ealudho.

Ehekeleko netalaleko omo wo tatu li adha, opo tu sinde uuyuni nomutondi tu endeni kontopa ndjika Ondjapuki twe yi tungilwa kuJesus mokati kefuta ndika lyomutondi lya pindjala. Omuwa mwene okwi ilongekidha oku tu humbata pamwe nomitenge dhetu, oshoka kutse yene itatu vulu okweenda ondjila onde noya thinana.

S.Nd. Nakambonde

Etumwalaka kaaniimpwiyu

Iil. 20:28 na Rom. 12:11-15

Shikele yaShikele
Oranyemund

Tete ohandi pandula Tate Kalunga eshi a xupifa nge moshiponga shoboma muApilili 1987 moKongo eshi twa fiya po oluumbo lofikola okilometa imwe okulinyenga penya naapenya, shaashi ola li Etitano koshivike.

Onda li monghalo i nyikifa oluhodi nai. Ndele Tate wopombada okwa xupifa nge, nokwa amena nge pamwe novalihongi vakwetu ava twa li pamwe navo.

Moshiponga omo Kalunga okwa kufamo omulihongi mukwetu Nghipunya Vinisia nameme B. Nghikefelwa pamwe nokaana kaye ova ninga oonakufya.

Paife ondi li nawa, Tate Namhongo okwa xupifa nge, nonda ka twikila ofikola yange ngaashi nale. Wonale okwa tile, u ha pandula novake.

Shiwana shaNamibia, otwa dengweni ndee inatu tila, tu kaleni nelineekelo la kola okulineekela Kalunga komesho yoinima aisho, oha nangeke nouputa oonakumulineekela. Jer. 17:7-8.

Tu lidilululeni twa mana mo
Tu holafaneni muKristus
Tu hanganeni muKristus
Tu kondjifeni eemhepo mevalelwa.

Tu indileni nomitima da wa pedu, opo omutondi woshiwana shetu Kalunga e mu lidilululife. Katu na okutula fye ovaKristus ohamba. Omwiimbi ota imbi-paimbilo 481. Omwene na hekeleke.

Teopolina Simon
Oshakati

Eindilo lyomeendelelo

Otatu indile aaleli yiilongo, ooyene yiikandjo nooyene yomikunda, nakugandja iindukutu na geelwe negeelo ongomudhipagi. Taleni, omuniimuna ota dhipaga oshilikama tashi li po iimuna ye. Ano oshike hamu tala nokugandja onguthi sigo ta mana po oshilongo ashihe?

Omumvo 1988 tu kutheniko oongaku tu konekeni ayehe mboka taa hulithapo oshigwana shetu komukalo nguka. Naku dhigininwe omadhina gawo opo ya tegelele okupangulwa nokugeelwa pwaa na ohenda.


Stefanus Daniel Nuuyoma

Sha weda ombwena oshe ya

Otu li oshiwana shokomongula ndee omikalo detu otadi limbilike ovanhu noilonga yetu oii. Ofyeni ovanyasha hatu lombwelwa. Okwa tiwa ohandje imwe ya xwika ofuka." Sho "Sha nya umwe sha tukifa ovendji." Ovamati vaNekandangala lombadje nanye onde mu popifa, nyee vangolongo naufila onda tya mwa u halapo.

Vakwetu vaNanghali yaNepongo, tu ningeni po sha, ngeenge itatu lihongo sha, eedila da kula

Tala kepanja tali landula



Pethimbo lyomafudhopo, iilyo yoshigongi oya kala tayi tsikile nokutaasina shono ya li nasho moonkundathana.

EYAMBEKO LYAALONGI NALI TALULULWE

Dha za kep. 9

noponhele imwe.

Pefimbo eli Ongeleki oya yandja oshinima momake ovafitaongalo opo apa vati tashi dulika, shi ningwe pooomwale ile ve dule umwe meongalo lavo, omulandu ou wa kufwa, kau hafifa nande melongelokalunga, omo mu he na nando ovanhu omafele nomafele omo nee vati omuhongi ta punikilwa omo. Kashi lidule nande yee ta kundana nee ovanashilonga vakwao vahapu ova li mepunikilo lovapangi ile lovadiakoni.

Onghee kepulo lovahongi, onawa omulandu ou

wa ufwa u wapalekwe, ovahongi opo va mone uxungomwenyo noilonga i kale nawa. Nongee-nge ovahongi okwa talika ovahapu unene ihava ningwa nee nande opashitai?

Ongeleki onawa i taleko nawa oshinima eshi otashi etele ovahongifikola efindakano nonande havahapu tave shi hoolola, ndele momapulo avo otamu holoka ehala nodjuulufi yokuyambeke-lwa moilonga pamwe.

Momaongalo neefikola detu Omhepo yoye yepapuduko paa. Pa yoo ovahongwa aveshe vetu, Omhepo iwa yokutambula elongo loye e li louyelele, mondjila yoye li va kwatele.

S. Nd. Namunyekwa

otadi ka nangala ndee omeva tae ya monduda, o-ndjala tai londo momaanda. Ngeenge ohatu efa omikalo dii, aishe otai ka kala momufango wa yukilila.

Olyelye ta dulu okulonga oilonga iwa e litwiya? Shapo oto longo oilonga yomunyonena. Tu dulei-ko eenghaku efimbo nalo ola tya ko.

Tala omukulu wonale okwa tile, "Onda mona oufiku wa tewatewa koxuxwa, ongula yaMunya-ma ya tewa kekondobolo, tau ka pya moivanda nomoiti ikukutu."

Nale omitwe da kula odo ashike kwa li hadi ka nangala, ndee paife oshi otai pi ashike mumwe noshima. Vakwetu tu djeni moukakombo lilifa, tu efeni onghangamuhalakana. Omwa hala tu djeni mounyuni twa fa oxuxwa?

Owa shiiva ongodi yoye fiku tai denge? Hatu pulweni, otu na ongunya ino tala kumukweni Nande otu li ongudu ya kula fiku to ka nyamukula oove auke. Mouta wamukweni kamu umbilwa, woo omundilo wongula oponhele yoye. "Limbadungila, onhapo yamukweni hayo yoye.

Atty L. Haininga

Twa vulwa iilonga yawo

Omatanga gegameno ohaga keelele ano shike? Oshike haga hadha nokupula uutse, oga mone lye? Omolwashike taa ti Swapo oye a tege oomboma? Oye mu ethele shike yo ye mu tala? Oku na ngaa Swapo e na okamutse?

Piiyelo ayihe ya keelelwa komakakunya ihapa piti omuntu kee na okamutse! Oomboma nani odha tegwa komakakunya, kaku shi ku SWAPO. Otamu tege oomboma dheni a tamu lundile SWAPO. Tse otwa vulwa epangelo lyoombulu tadhi tu dhipaga pamukalo shaangoka dha hala. Natu mone emanguluko twi ipangele tse yene.

Hangame awike she ehameka, oshe ehameka owala aakwashigwana ayehe.

Johannes Tuhangeneni Markus Onayena

Aanamibia otaa kondjele tuu emanguluko?

Onkalo oya nayipalekwa unene ngaashi kuu-nkolwe, oluhondelo, iita, omaluhoko, okutsilathana ondumbo, uumbotsotso niikwarwo inaandi yi tumbula mpaka.

Oshigwana shAaluudhe, natu indileni Omurwa pombanda pamwe ombili tayi ka holoka. Aagundjuka ya ningapo omuhapo gwawo "ine monika nando." Ngele aantu aakweni kaye ku wete, Kalunga ndishi naye ke ku lwete? Ondjala yelongo nayo mevi lyetu omo yi li shili. Oosikola odha pumba, aanona oyu udha owala pomagumbo.

Aanamibia aakwetu, otu lyeni muudhigu wa kola, oshili otatu lyeni tatu pi. Tu galikaneni Omurwa a yululule onkalo yevi lyetu, opo aamwameme mboka ye li kombanda yomafuta ya galuke. Yo mbano ye li muukakunya ya ze mo e tatu mangeni ukuni kumwe. Omurwa ne shi tu pitikile opo okatokolitho 435 ka ye miilonga ngashingeyi.

E.Nd. Nakasole

UUDIAKONI WA CCN, MOWAMBO



Okuza petameko lyomumvo nguka, mOraata yOongeleki muNamibia (CCN), oya tameka neyakulo lyayo mOwambo. Omolwondjala tayi hepeke oshitopolwa shika, omimvo odhindji nokuli, ombelewa yEhangano ndyoka oya tameka netopolo lyiikulya. Iimaliwa R 15 000 nenge R 20 000, ohayi longithwa omwedhi kehe okumonena aantu iikulya, pahokololo lyombeleva ndjoka.

lakulukadhi methano ndika, oya kuutumbila mbelewa ya pewe sha shokulya. Ehokololo otali ti,

konyala aantu 7,000 ohaa mono ekwatho pamukalo ngoka. Eyakulo ndika ohali ningilwa mEndiki lyiigongi ya ELCIN, mOngwediva.

Pamwe nekwatho ndyoka, Ehangano olya dhika wo osikola mpoka aagundjuka yoongungu Std. 8 sigo 10 taa mono epukululo, unene mboka ya ndopa moongundu ndhoka.

Sebulon Ekandjo

PWA KUNDATHWA ISHEWE

Edhingoloko etitano lyoonkundathana dhombili muAngola nemanguluko lyaNamibia, otadhi ka tsikila ishewe 2-4.8.1988 muGeneva, sho dha zile ku New York. Pokati mpoka opwa hokololwa, pwa li pwa ningwa etsakaneno lyokapilo pokati kaawiliki yomatanga muAngola, SA naCuba, sha ningilwa muCape Verde. Inaku tseyithwa shono shaa kundathanwa.

Oonkundathana dhaNew York, odhi indile SA yo naAngola, ya gandje mbala esiku kOraata yEhangano yaUN, uuna oshitokolitho 435 tashi tulwa miilonga.

Tu galikanenathaneni

Aanamibia aaholike tu galikaneneni aapeki yetu, oshoka Ombimbeli otayi ti natu galikanenene aapeki yetu, ihe inatu tekeni omukumo, omolwoluhodhi ndono tu na molwaamwameme mbono ya sile mombaanga mOshakati. Otu shi shi otaa ka yumuka.

Jesus naye okwa li a hepekwa, ihe inatu tileni aapeki yetu natu tileni Tate Kalunga ngono te tu kutha omwenyo, ihe omuntu ota dhipaga ashike olutu.

Paulus Omunyanyukwi Johanna Ombalantu

Shila napa ningwe oondjindikila, pamwe hwepo

Ondi shi shi oositola odhindji odha pya po koo-

YA KUNDANWA YA MANGULULWA

David Haikonda muFebuluali 88
Paulus Shilule, esiku ??
Salmon Kankono, esiku ??
naImmanuel Shivulo, esiku ??

Shipanga Shivute Esiku ??
Kandenga Herman Esiku ??
Haiduwa Fikameni (Filemon)
Erasmus Hendjala Esiku ??
Aaron Haulofu (Haufiku) ??

mboma, oongeleka odhindji odha pya po, iipangelo, oopoosa, oombeleva noombaanga mwa kwate-lwa yeti 19.2.1988.

Napa ningwe ondjindikila opo omahala gAanamibia kaaga longithwe we komakakunya, oshoka opo taa monene ompito oku tu mana po. Uumbesa owo ehala hali longithwa papuko mokuutula Aanamibia mumwe nomakakunya. Ondi shi shi kutya sho taa ende mo otaa futu, ihe ofuto ye hayo tayi ku ningi omuyamba. Osho wo tse Aanamibia aafaalelwa, ngele okambesa oka thikama pungoye, ihe omu na ekakunya, ino londa mo, uumbesa owindji.

Ngele owa zi nako pOshakati u uka kOndangwa, pOngwediva taka mbilikwa kekakunya, sho tali londo ngoye oto heluka u tegelele kamwe, pamwe tatu adhiiko ngaa kemanguluko lyaNamibia, oshoka otatu sile unene dhamunkeya, tatu si iipundjamenye.

A.L. Nambambi Arandis

Aambisofi yaAngli- kana ye vule 400 muLambeth



Omumbisofi omukuluntu gwaAnglikana muumbugantu waAfrika, Desmond Tutu ngoka a fala aambisofi ye koshigongi shuuyuni auhe kuLambeth.

YA DHIGININWA NATANGO NENGE YA KANA

Mai 1979 — Festus Nakawa

31. 5.1979 — John Nakawa
5. 5.1980 — Toivo Shilongo

4.10.1980 — Marcelinus Shilongo

Juni 1979 — Matias Ashipembe

4.10.1980 — Modestus Ipinge

18. 9.1978 — Ndeifeka Erastus

18. 9.1978 — Rufus Amukuhu

18. 9.1978 — Mutumbulwa Amukuhu

10. 9.1981 — Kristof I. Shikongo

19. 1.1981 — Filemon Iikela

4.9.1985 — Markus Paulus

28.11.1986 — Ruben Edmund

Kotoba 1987 — Tomas Iipito

8.10.1987 — Mateus Handjaba

3.12.1987 — Shipandeni Mupolo

22.7.1987 — Mateus Mudjanima

7.10.1987 — Jason Angula

17.3.1987 — Natanael Shikongo

27.11.1980 — Andreas Kashikola

27.11.1980 — Teofilus Mateus

27.11.1980 — Mateus Jesaja

29.6.1985 — Amutenja J. Ashipala

3.7.1987 — Abner Shikesho

22.7.1987 — Stefanus Nghifikwa

19.11.1988 — Daniel Israel

20.1.1988 — Natanael Ndatyapo

19.1.1988 — Julius Kapula

20.4.1988 — Erasmus Hendjala

20.4.1988 — Frans Hango

14.1.1988 — Gideon Kampulu

19.1.1988 — N.S.Ndatipo

19.1.1988 — Daniel I. Namwandi

20.1.1988 — Delfine Abraham

21.1.1988 — Natanael Stefanus

17.12.1987 — Hafeni Philippus (Hamunyela)

9.4.1988 Johannes Kawelekana Komeya

19.1.1988 — Jonannes Nekongo

20.1.1988 — Salom Uusiku

18.1.1988 — Johannes Nande

18.1.1988 — Ndeshaanya shaKanana

18.1.1988 — Jeremia Nandjebo

18.1.1988 — Shaamena Shikungunya

18.1.1988 — Shuudifonya Haufiku

26.12.1987 — Silas (Kamule) Kandenge

Januali 88 — Linus Matongo

17.12.1987 — Josef Dumeni

Ndhindhilika: Ngoka wa tseya gumwe gwaantu mbaka, kutya okwa manguluka, onawa u tseyithile ombelewa yOmukwetu mbala. Tangi kekatho.



RUDOLF BAHM

Omupangeli gwootundi

MOSHAKATI

Mpaka otandi tseyithile aayakulwa yetu ayehe, kutya iilonga yokupangela ootundi, okulanditha po oompe nokwoopaleka ndhoka dha teka, okutula ko omakende numanya, itatu yi longele we metungo JAMAICA INN.

Ngashingeyi otu li mpaka mOshakati metungo lya ENOK (BBK), mpeya hapa kala pwa thikama aluhe omaloli goeiskilima (Roomys). Shika otashi ti elalakano mpaka, oku ku etela eyakulo ndika popepilela, waaha pumbwe we okufala nenge okutuma ootundi dhoeye kUushimba.

Ohatu landitha wo ootundi oonkulu kondando yi li hwepo, onkene tu talela-po ngele to piti pOshakati.

Oshigongi oshiti-12 shaambisofi yOngeleki yaAnglikana 430 muuyuni, osha tamekele 17.7.1988 nosha tegelelwa shi hule 7.8.1988 muLambeth shaEngilanda. Omumbisofi omukuluntu, Desmond Tutu, naye okwa ya pamwe naambisofi yOnge-

leki ye 18, muumbugantu waAfrika, ya ka kale moshigongi.

Ongeleki yaAnglikana otayi yalulwa yi na iilyo oomiliyona dhi vule 70 muuyuni auhe, iikandjo yopaumbisofi 430, omagongalo 30,000 nomagongalo omashona 64,000. Ongeleki otayi longo miilongo 164, mewiliko lyomumbisofi omukuluntu Robert Runcie.

Oshigongi shaambisofi osha tengenekwa shi ka kale naantu 1,200, mwa kwatelelwa aakwathi yaambisofi, aaniifo naakwanegongalo yamwe yi ithanenwa mo owina. Oshilonga shetumo shOngeleki, elongo lyOngeleki (Dogma), omaupyakadhi gasita nelongelokumwe nOngeleki onkwawo (Ecumenical Relations), oyo yimwe ya li ya thanekwa yi kale oonkundathana dhoshigongi. Oshigongi ohashi ningwa aluhe konima yomimvo omulongo.

Sebulon Ekandjo

OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, TEL. (06762) 11, TELEX 56-3257 WK
SWA/NAMIBIA